

СТЕПАН РАЕВСКИЙ

ПЕМОСЪЯС
ЙЫЛЫСЬ
СЕРНИ-
БАСНИ





СТЕПАН РАЕВСКИЙ

ПЕМОСЪЯС ИЫЛЫСЬ СЕРНИ-БАСНИ

(Мой дъяс)

Школьной арлыда посни челядылы



Сыктывкар
Коми книжной издательство
1991

28.6
P16

Художник А. М. Гаранин

С. Раевский
P16 Пемӧсьяс йылысь сёрни-басни. Мойдъяс.— Сыктывкар:
Коми книжной издательство, 1991.—24 л. б.
ISBN 5-7555-0321-4

Тайӧ книгаыс — пемӧсьяслӧн приключенияыс йылысь гажа мойд-
яс да басняыс. Найӧс индӧма школьной арлыда посни челядьлы лыд-
дьӧм выль.

Р 4803310100—016 33—91 м
М 128 (03)—91

28.6

Для детей дошкольного возраста

Степан Семенович Раевский

ПРИТЧИ О ЖИВОТНЫХ
На коми языке

Редактор А. В. Тентюков
Художник А. М. Гаранин
Художественный редактор В. Б. Осипов
Технический редактор А. Н. Вишнева
Корректор М. М. Лужикова

ИБ № 1669

Сдано в набор 28.02.91. Подписано к печати 8.07.91. Формат 70×90¹/₁₆.
Бумага обложечная. Гарнитура «Школьная». Печать офсетная. Усл. печ. л.
1,75. Усл. кр.-отт. 4,39. Уч.-изд. л. 1,15. Тираж 8000. Заказ № 3801.
Цена 35 к. Коми книжное издательство. 167610, г. Сыктывкар, ул. Карла
Маркса, д. 229.

Головное предприятие Коми республиканского полиграфического про-
изводственного объединения. 167610, г. Сыктывкар, ул. Первомайская, 70.

ISBN 5-7555-0321-4

© Раевский С. С., 1991
© Гаранин А. М., оформление, 1991



оркө өтчүд Көч мөдөдчис сөян корсыны. Паныдасис сылы Көин.

— Эй, көсөй бугылы! Кеж менам тр-р-рөпа вылысь!.. — эргыштіс Көин. Сійө вөлі пөт да көсйис сөмын повзь-өдны Көчөс.

Но Көч весиг пельнас эз легнит, копыртліс юрсө, чолөмасис Көинкөд да муніс водзө.

Көин чуймис: «Мый пө тайө вөчсьө свет вылас? Меысь Көч эз кут повны?! Час, ме петкөдла тэныд!..» Но көчлөн и дукуыс матын абу вөлөма.

Аскинас сійө жө трөпа вылас Көчлы паныдасис Ош. «Бр-р-рысь менам туй вылысь!» — мурөстіс Ош. Көч бергөдчис сылань да куалис:



— Мый ті шуинныд, Микайлө дядь? — сэсся лапанас тапкөдыштис Ошлы бокас да котөртис водзө.

— Көчыс йөймөма али мый? Дзикөдз яндзимсө воштөма... Да-а ме тәнө... — мурөстис Ош.

Ставсө тайөс аддзылис Катша да китшкис-висьталис вөрын ставыслы, кодөс аддзылис. Вөрын паськалі сёрни, мый аддзысьөма сэтшөм Көч, коді ни Көинысь, ни Ошкысь оз пов. Повтөм Көчлөн славаыс паськаліс өдйө, быдөн ошкисны сійөс.

Кор Көч бөр локтис гортас, сійөс виччысис нин став рөдвужыс.

— Тэ молодеч миян... Некодысь он пов! — шуис Көчлөн пөрысь бабыс.

— Энлы, баб, энлы!.. Мый тэ шуин? Нинөм ог кыв!.. — сэсся перйис кыкнан пельсьыс вата. — Төрыт дискотекаө ветлі да шумсьыс пельясөс тупкылі... Вот өні бура кыла...

Көчлөн дедыс эськө гөгөрвоис, мыйла внукыс эз повзы Көинысь ни Ошкысь, но нинөм эз шу. А мөдыс ветлөдліс тшапа, чатөр юрөн, — весиг мукөд көчьяс вежалісны сылы.





рнас Көч стрөитис вьль керка. Колис тэчны пач. Нывъясыс сөй талайлөны, йөктөны, а пияныс батыслы отсасьоны: коді кирпич пыртлө, коді кирпичсө мыччалө сылы. Уджыс пуө.

Вьль керка дортис муно Меж. Көч шыасис сы дорө:
— Лок, Мегар, пач тэчны отсав... Шуоны, тэ пө



мастер... А ме первойысь пачсö тэча да, гашкö, оз артмы...

— Да-а ме-е мастер... Пачсö тэчны и жугöдны верма... Но öни ог эшты.

Кöч нинöм эз шу, сöмын зильджыка заводитис уджавны. Регыд мысти пачыс вöли дась нин, и гöтырыс пуис сэни ыджыд чугун тыр капуста шыд.

Меж кылис ныриснас чöскыд дуксö, весиг дуллыс петö. Локтис кöч керка дорö да öшинь пырыс шыасис:


— Эй, табъя кок! Помнитан, ме кöйи тэныд отсасыны?

— Помнита, — шыдсö панялигтыр вочавидзис Кöч.

— Ме-е-е со локти шыдсö сёйны отсавны...

— Атгö, Мегарин! Ме öни тэтöг верма...

Кöчпиян серöктисны да зiля кутисны панясьны.





верьяслөн да лэбачьяслөн отувья собрание
вылын Ошкөс бөрйисны судьяөн.

— Михайлө Пöтапыч, тэ мян вöрын медся ён, медся
вежöра, — шуисны сылы. — Лоны тэныд кöзьяинөн,
судьяөн. Тэнад шуом кывйыд мянлы лоö законөн.

Отчыд сан, рака да көк локтисны судья дорö но-
расьны.

— Пыдди пуктана судья Михайлө Пöтапыч! — кы-
нөмсö гыжъялиг заводитис Сан. — Мян вöрын олөм эз
кут лоны Катшаысь. Лэбалö вöрти да суклясьö.

Ош очсовтис, öчкиасис да видзöдлис на вылö. Сэс-
ся босьтис көлөкөльчик да звöнитис. Локтис дежурной
кöч.

— Эй, көсöй! Дзик пыр жö кор татчö Катшаöс.

Кор Катша локтис, судья шыасис Рака дорö.

— Пöрысь нин, а ветлөдлан судьястис. Мыйысь но-
расян Катша вылас?

Рака матыстчис Ош динö да шуö:

— Батюшка, Михайлө Пöтапыч! Вот тайö кокни
мывказаыс, — индис Катша вылö, — ме вылö лэптöма лöж
слава, быттьö пö менам гөлөсöй абу да мукöд лэбачьяс
моз ог куж съывны... Колökö, öни горöдла...

— Кыдзи гөлөс абу? — Ош видзöдлис Катша вылö.
— Ракаяс мукöддырйи сидз кравзöны, мый узьны оз сет-
ны, пельыд чуналö. Катша, мыйла тэ ылöдчан?

— Ме ог ылöдчы!.. Меным Сизь висьталис, мый ра-
каяслөн гөлөсыс абу... Эм кө и бур, прöститöй менö, —
вочавидзис Катша.

— Мый, гашкö, сизьыд тэныд юрад оз сизьды да...
Ачыд кө он тöд, чöv ов, эн суклясь, а то... — Ош
друг ланьтис да видзöдлис Сан вылö. — А тэнад нин мый,
мисьтöм рожа?



— Да, ме... ме... Катшайс шуома мено пытшось санон... Но ме состома ола... Пытшыс абу... А гыжь-яся сы вoсна, мый гонoс шыльoда, мед мичаджык вoли... Гашкo, корасьны воласны...

— Но, тэ мый та вылo шуан? — Ош видзoдлiс Катша вылo. — Тэ пытшo ачyd аддзылiн?

— Э-эг аддзыв... Меным Вөркань висьталіс... — Китшөдіс Катша. — Прөститөй менө.

— Висьталіс, висьталіс... Бара ылөдчан. Ме өтчыд шулі нин, мый эн кө ачыд аддзыв, чөв ов, а то...

А мый «а то-ыс» лоө, эз висьтав, а юрсө бергөдіс көклань да лапанас өвтыштіс асланьыс, лок пө матөджык.

Көк матыстчис да пыр жө бөрддзис.

— Тайө шердын вомаяс паськөдөма сёрни, ме пө кольк ог вермы вайны... Ме мыйон кывлі тайөс, тулысьяснас ме колькъясөс куті пуктавны мукөд лэбач позьясө, мед лэбачьяс төдісны, мый катшаыс ылөдчө, сөрө нем абусө... И кутшөм лёка куті овны, меным гажтөм... Челядь бокөвөй позйын мамтөг быдмөны, и ме шогысла эг кут сьывны, а век бөрда: ку-ку, ку-ку! И йөзыс пө дивитөны, шуөны позтөм көкөн. Ме өд эг чайт, мый өткымын нывбабаяс кутасны ме моз жө вөчны, энөвты челядьөс...

Ош скөрмис Катша вылө.

— Со аддзан, көк весиг бөрддзис, кузь кывья таргун! Ме тэнө велөда, кыдзи ылөдчыны.

Сэсся Ош гижис приговор: «Нюжөдны Катшалысь бөжсө да сідзи, медым ставөн төдісны, мый тайө кузь бөжа лэбачыс — кокни мывкыда да кузь кывья катша»!

Но тайө оз отсав. Кузь бөжа Катша өні на лэбало вөрын да китшкө-сөрө нем абусө быдөнлы, кодөс сөмын аддзас.





ПЫШКАЙ ДА ЙОРШ (Важ мойд серти.)

Пышкай да Йорш важысянь нин другасисны. Гожомын Пышкай локтас берег дорё да горёдас:

— Йорш другой менам, чолём тэд! Кутшөма нин олан-вылан?

— Ола тай кызкө-а... Лун да вой колляла! — вочавидзё Йорш да лэптё тшөтьсё. — Пырав ме ордё гөститны... Тани джуджыд, ыркыд... Талун ваыс лөнь.

— Аттьё, друганой! Пыравны, дерт, позьё, но васыс ме пола... Тэ вай пет да ме ордё, керка лөскө ветлам. Миян керка йёрын быдса сад — сэтөр, өмидз, льём, пелысь... Колё кө, нянь крошкиён либё шыдөсөн номсөда, ловъя гутён верда, сакарён чөсмөда и...

— А мый сийё сакарыс?

— Сакарыс? Юмов, чөскыд... Лым кодь еджыд, либё галя из кодь...

— Галя из кодь?

— Да, галя из кодь... Тиян юад галя изйыс чорыд, он вермы сёйны, а сакарыд вомад сылө... Эн дышөдчы, лок петав, лэбзылам ме ордё...

— Аттьё, но ветлытём нин, буракё, лоё. Ме од ог куж лэбавны... Ва пытшсьыс кө ме пета — ме пөда, лолёй тырө... Бурджык, лок, Пышкаюшко, пырав ме динё, уялыштам отлаын... Ва пыдөссө ме тэныд петкөдла...

Пышкай пыраліс жё эськё ваас пидзөсөдзыс, но водзөсө эз лысьт: вөя пө.

Сідзи и гөститчытөг торйөдчисны.





лісны-вылісны кык чавкан: Чав да Чив. Найо ичотсянь другасисны да часто волевлісны ота-мод дорас: то Чав муно Чив ордө гоститны, то Чивыс — Чав ордө. Пуксис кодзыд төв, и сёянөн лои дзескыд. Отчыд Чав важ энотом складысь аддзис чуман тыр зөр, — буракө, кладовщикыс вунөдома сэтчө. Чавлы тайо и вөлі колө, чумансө нуис гортас. Оні тшыг он кув, сёяныс дыр тырмас. Чавлы нимкодь, быд лун пөттөдзыс сёйө, а зөр тыра чуман йылысь некодлы оз висьтав, весиг Чив другыслы. «Быдөнлы кө кута сетавны, аслым оз коль» — думыштіс сійө да ставсө и сідзи отнасөн кокаліс-сёйис. Кор помассис, чумансө шыбитіс туй бокө, и сэтысь некымын зөр тусь уси муас. Чав вөлі пөт, да на вылө весиг эз и видзөдлы. Тайо тусьяссө аддзис Чив, чукөртіс кулёкө да пыр жө лэбис Чав другыс ордө.

— Чолөм-здоровө, муса друг! Важөн нин ми тэкөд эгө аддзысьлөй... Мый сэтшөм жугыль? — юасьө Чив.

— Ме абу жугыль... — ньөжйөнник вочавидзис Чав да бергөдчис мөдарө...

— Сёянтөгьд, дерт, абу гажа... Ме гөгөрвоа... Со талун ме аддзи туй бокысь зөр тусьяс да пыр жө локті тэ ордө... Вай ми сійөс шөри юкам да чөсмасьштам...

— Мем оз ков! — бордьяснас шпорөдчыштіс Чав. — Тэ кө аддзин, сійө тэнад! Ачыд и сёй!

Чив чуймис, эз гөгөрво, мый лоөма другыскөд.

— Тэ өмөй абу менам друг? Тэ өд аддзин кө, меным эськө вайыштін жө...

Чав нинөм эз шу, сөмын копыртіс юрсө. Сылы вөлі яндзим аслас другысь.



рук-рук нима польёпи петіс өшинь ув йёрысь да мөдөдчис туй кузя. Асывнас ёнакодь зэрис да гөпьясө пуксьёма ва. Оні шондіа, гажа, жар. Рук-рук көсйис полькөдчыштны ва гөптын, но матыстчис сэтчө да сувтіс. Видзөдө ва гөптас и аддзө: сәні вата кодь еджыд ёкмыльяс плавайтөны. Тувкис нырнас, и еджыд ёкмыльясыс чечавны кутісны.

— Мый ті тані вөчанныд менам гөптын? — юалис Рук-Рук. Но сылы некод нинөм эз вочавидз.

Котөртіс Рук-Рук кычөпи Шарик дорө да шуис сылы:

— Лок, Шарик, ветлам менам гөп дорө... Сәні ку-тшөмкө еджыд ёкмыльяс плавайтөны...



Локтисны. Шарик гав-гав серөктіс:

— Да тайö жö кымөръяс плавайтöны... Видзöдлы енэ-
жас: со мыйта найö.

— Кутшöм енэжö? Ме сійöс ог тöд, эг аддзыв...
Кöни сійö?

— Вот чудақыд! Тэ чатöртлы юртö, сэки аддзан...

— Ме ог вермы...

— Он кö вермы, мыш вылад, гатшöн, водлы!..

— Да ме гатшнас ог вермы куйлыны.

— «Ог вермы... Ог вермы...» — нерис Рук-Рукöс Ша-
рик. А мый тэ верман? Сöмын няйт пиын лукйысь-
ны?! Но и лукйысь, колökö, — гав-гав увтыштіс да ко-
тöртіс аслас чом дорö лы гарскыны.

Рук-Рук ещö кöсйис видзöдлыны кымөр вылö, но
шондйис саялі и кымөръясы вошины...



КОДКӨД СЕРНИТІС МИШУК



улыс. Шондыс лышкыда койо югорьяссө. Ягын лымйыс пөшти абу нин. Сынөдыс гулыд.

Маланья нима Ош аслас пиыскөд петисны нин гу-
ысь. Пиыс ичөт на, шуоны Мишукөн. Мишук пукалө
гу дорас шондi водзын да шонтысьө, а мамыс муніс
сөян корсьны. Мишук дыр виччысис, весиг гажтөмыс
босьтiс. Мыйла сы дыра абу мамыс? Гашкө, воши да?
Час, ме сійөс чукөста, — шуис сійө, сәсся кайис мыр вы-



лө, сувтис кык кок йылө, и лапаяссө пуктис вом дорас да горөдис: А-у-у-у!

Недыр мысти вөр пытшсяньыс сылы кодкө вочавидзис: А-у-у-у!..

— Тайө абу мамлөн гөлөсыс... Коді сәні вермас лоны? — думыштис Мишук да чошкөдис пельяссө. Сійө повзискодь, но век жө смелмөдчис да юалис:

— Коді тэ?

— Тэ-э-э, — шыясис кодкө вөр пытшкөссиянь да бара лоис чөв-лөнь.

— Ме али мый? Ме ошпи, Мишукөн шуоны, быдма да Михайлө Потапычөн лоа... А тэ коді?

— Ді-і-і, — бара кодкө шыясис вөрсянь.

— Тәнө тадзи шуоны? — юалис Мишук. — Кутшөм тешкодь нимыд... Лок татчө ме дінө...

— Инө-ө-ө, — вочавидзисны вөр пытшкөссиянь...

— Он кө лок, ме тэ дінө локта... Сөмын эн дзесясь.

Мишук пырис вөр пиө. Гөгөр видзөдліс. Гөлөсыс быттө неылын, а матігөгөрын некод оз тыдав.

Кор бөр локтис гу дорас, мамыс сәні нин вөлі. Мишук заводитис сейны и сейигас дзикөдз вунөдис сы йылысь, кодкөд сійө сёрнитис. Сійө сідзи и эз төдмав, коді дзесясис вөрас...

Челядь, гашкө ті төданныд, кодкөд Мишукыс сёрнитис?





уй кузя муно Меж — Чукля Сюр — да ыджыд гөлөсөн бөрдө. Сылы воча пошкигтыр локтө-кысыё кузь дзор тошка кёза, кыскө сийё кык сумка тыр капуста. Сувтис да юалё:

— Мый нё, Чукля Сюр, тэкөд лои? Мыйла бөрдан?

— Кыдз нё он бөрд.. Менё батыёй вөтлис гортысь...

— Батыд вөтлис? — чуймис Кёза. — Но и но! А мый-ысь нё вөтлис?

— Да шуё тай, мый ме-е-е пё гырысьджыкъясөс ог пыдди пукты, бабөс пё өбижайта... Мун пё менам син водзысь кытчө окота да велөдчы, кызди колё пөчитайт-ны гырысьджыкъясөс... Кор пё велалан, верман бөр



локны гортө... — синвасө нбылалігтыр норасис Чукля Сюр.

— Дугды, эн бөрд. Велалан!..

— Кыдз нө велалан, кор сэтшөм школаыс некөн абу...

— Ладнө, ладнө... Мыйкө думыштлам. Ме ичөт дырйи тэ кодь жө лукав да асныра вөлі... Ме отсала тэныд!..

— Збыльысь? — Нимкодь лоис мегаринлы.

— Тэнад паметьыд бур?

— Ог норась... Кор ог люкась, ставсө помнита...

— Сідзкө, вот кывзы. Некор эн вунөд, мыйгырысьджыкъяскөд колө сёрнитны вежливөя, некор эн горзы, видчы... Накөд эн люкась, эн лапөд налы пельпомъясас. Век колө кывзысьны налысь... Автобусын кө тэ пукалан, чеччы да места сет сылы... Гөгөрвоин? А ещө: кор пөрысь пөчьяс да дедьяс нуоны сьөкыд сумкаяс, босьт да отсав нуны гортөдзыс...

— Аттьө... Час, котөрта гортө да висьтала батылы, мый ме велалі нин пыдди пуктыныгырысьджыкъясөс...

— шуис да уськөдчис котөртны...

— Эй, Чукля Сюр! Тэ абу на бура гөгөрвоөмыд...

Мегарин бөр локтіс Көза дорө.

— А мый? — сэссия видзөдліс сумкаяс вылас да горөдіс: — Гөгөрвои өні! Вай өти сумкатө меным...

— Вот өні бура гөгөрвоөмыд!





олыөпи Рук-Рук норасьö Шариклы:

— Ме свет вылас медся коньöрыс...

— Гав-гав! Мый лоис?

— Ставöн ылысь и вылысь аддзöны, вермöны видзöдлыны водзö и бөрö... — ышловзис Рук-Рук. — А ме... ме сöмын ныр улысь аддза... Ок, эськө менам кө вöли ку-узь сьыли, жирафлөн кодь... Ме эськө пыр жö вежси ськөд...

— А мый вылö тэнад кузь сьылыс?

— Ковмывлö тай! — шога вочавидзис Рук-Рук.

— Но век жö мый вылö тэныд сийö ковмылö? — эз лэдзчысь Шарик.

— Мыйла? Мыйла? Быттö ачyd он тöд... Öти-кө, быдтор кута аддзыны ылысь...

— А ещö мыйла?

— Ещö? Шуам, лоö кө кино либö концерт, позьö пуксыны любöй местаö, весиг медбөрья скамья вылас.

— Но а ещö?

— А ещö град йöрысь потшöс вомөн позьö свежöй картофель кодйштны, морковөн да сёркниөн чöсмасьны...

— Вежсы но, ёна кө колö... А көни нö Жирафыс? — юалис Шарик.

— Ог тöд... Ме сийöс картинка вылысь аддзыли...

— Гав-гав! — серöктис Шарик да котöртис аслас чом дорö.





арбос — ыджыд съод пон. Век эргө, скöрысь увтчö ветлысь-мунысьяс вылö, усьласьö. Отчыд сийö ас дорас корис Шарикöс:

— Эй, пацан, волы татчö!

Шарик шензьöмөн видзöдлiс сы вылö:

— А он пур-р?

— Ыр-р-р... Эн пов, ог вөр-рзьöд...

Шарик матыстчис сы дорö, чолöмасис. Мöдыс весиг синсö эз лапнит, бугжыльöн видзöдлiс сы вылö да юалис:

— Тэ öд ичöтик, слабиник понпи на, а мыйла тэ-нö радейтöны? Мыйла тэкöд ставөн ворсöны да дружитöны?

— Мыйла? — думыштчис Шарик, сэсся шуис: — Да, кöнкö, сы вöсна, мый ме некодкöд ог косясь, ог пур-рсьы...

— Аддзан, ме вот ыджыд, ён, смел, весиг кöинысь ни ошкысь ог пов, а менö мыйлакö оз радейтны, öтдортчöны меысь? Мыйла?

— Чудак тэ! Ой, извинитöй, ме эг кöсйы тадз шуны... Мыйла, шуан, оз радейтны? Да тэ жö быдөн вылö эрган, скöрысь увтчан, усьласян... Код нö кутас радейтны таысь? Тэысь быдөн полöны, со и пышьялöны... Тэ кö вöлин рам, мелi, эн усьлась быдөн вылö — сэки мöд делö...





шөрын уяліс утка, — сылы лөсьыд, нимкодъ, некод оз мешайт. Берегсянь сы вылө видзөдіс руч да думайтіс, кызди эськө ылөдны сійөс. Думайтіс-думайтіс да друг горөдіс Уткалы:

— Эй, Утка, сьөлөмшөр! Бура жө тэ уялан! Меным эськө тэ моз!..

— Видзөд, мый ковмөма сылы! Меысь бурджыкасө некод оз вермы уявны!..

— Молодеч! Ме аддза нин! А тэ бассөн кужан варчыны?

— Ме?.. Сійө меным нинөм оз сулав... Видзөд, — и петкөдліс, кызди варччө бассөн.

Руч бара ошкыштіс Уткаөс. Сэсса юалис:

— А тэ сунласьны кужан?

— Ме? Да ме көть километр ва пышттыс уя...

— Молодеч! А мөдар берегсяньыс татчөдз верман уйны?

— Дзик прөста.

Утка суніс и недыр мысти вөлі нин тайө берегас. Ручлы тайө вөлі и колө. Сійө бура завтракайтис да сөмын нюмъяліс.

Ошйысьөмыд некор бурөдз эз вайөдлы.





ёрса автобусын тырыс пемёсьяс. Автобус матысмё остановка дорё. Петан ёдзёс дорас сулалё пёрысь дзор Сан. Сы дорё матыстчис Кёч да юалё:

- Тi, папаша, петанныд?
- Ачым тёда, — вочавидзис Сан.
- А ме пета...
- Ачыл тёдан, петан он...
- Но автобусыс оз виччысь, водзё мунас...
- Сiё ачыс тёдё, мунас оз...
- Лэдзёй, пёжалуйста, мем петны...
- Вот тайё дзик мёд делё, — шуис Сан да сетiс

Кёчлы туй.






РУЧ ДА КӦЗА

(Важ мойд серти.)

Отӧртӧ Руч сикт помті, гӧгӧр гоннялӧ и друг юкмӧсӧ уси. А юкмӧсыс вӧлі джуджыд, бӧрсӧ петны оз вермы. Пукалӧ Руч юкмӧсын да шогсьӧ.



Туй кузя мунö Кöза. Мунö и тошнас пыркöдö, сюр-
нас шенасьö. Локтис юкмöс дорö, видзöдлис пытшкас, ад-
дзис сатысь Ручöс да юалö:

— Мый тэ сэни, кузь бöж, вöчан?

— Шойчча, чукля сюрöй, — вочавидзис Руч. — Сэни
вылас жар, а тани лöсьыд, ыркыд... Горшыд кө косьмö,
тани кöдзыд ва эм. Ю, мыйта колö...

А Кöзалөн важөн нин горшыс косьмö.

— Чöскыд ваыс? — юалö.

— Зэв чöскыд, — нюмъялö Руч. — Сöстём, кöдзыд...
Лок чеччышт, колöкö, местаыс кыкнаннымлы тырмас...

Кöза чеччыштіс юкмöсö, муртса Ручсö эз лязöд.
Руч сылы шуö:

— Эк, тошка дурак, чеччыштнытö кыдзи колö он куж...
Видзöд, кыдзи менö ванас резін, муртса эн лямöд и...

Чеччыштіс Руч сэки кöзалы мыш вылас, сысянь сюръ-
яс вылас да звирк петіс юкмöсысь.

Кöза дыр оліс юкмöсын, тшыгйысла муртса эз кув.
Коньөрöс öдва аддзисны да сюръясöдыс кыскисны.

Петіс юкмöсысь да шуис аслыс: «Сідзи и колö тэд.
Мöдысь кежлö быдтор думыштöмөн кутан вöчны!»






ЮРИНДАЛЫСЬ

Повтём кӧч	3
Отсӧг	5
Суд	7
Пышкай да йӧрш	10
Зӧр тусьяс	11
Рук-Рук да кымӧр	12
Кодкӧд сёрнитис Мишук	14
Гӧгӧрвоис	16
Ок, эськӧ менам кӧ вӧлі	18
Мыйла?	19
Ышнясис	20
Вежавидзӧм кузя урок	21
Руч да кӧза	22





35 к.



КОМИ КНИЖНОЙ ИЗДАТЕЛЬСТВО
1991